



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 13. Episcopatus Tornacensis.

[urn:nbn:de:hbz:466:1-66377](#)

Sæcul. XII. paret, quemquam Constantini donatio-
A.C. 1145. nem illa ætate ut dubiam ad examen
 vocasse.

ep. 244.

S. Abbas Conrado Regi quoque scri-
 psit, demonstrans oportere, ut maxima
 concordia inter Regnum & Sacerdotium
 vigeret, & exhortans; Ecclesiam defen-
 deret, Romanorum vero insolentiam &
 temeritatem reprimeret.

§. XIII.

Episcopatus Tornacensis.

Dum Eugenius Papa, trans Tiberim in
 tuto collocatus versatur, tandem
 causam de restituendo Episcopatu Tor-
 nacensi, tanto temporis spatio agitatam,
 definiit. Nam Canonici illius Ecclesiæ
 omnium ore edocti, quam alieno a pe-
 cuniæ cupiditate animo esset hic Ponti-
 fex, nuncios miserunt, qui eum negotii
 sui scientia necessaria instruerent, ipsius-
 que sententiam peterent. Ille respon-
 dit, facturum se, quæcumque Abbas Cla-
 rævallensis suassisset. Itaque Canonici
 acceptas a S. Bernardo Epistolas per suos
 Legatos, quorum princeps Letbertus e-
 rat, Romam miserunt. Is omnibus cau-
 sæ illius adjunctis Pontifici expositis sup-
 plex postulavit, ut sententiam pronun-
 tiaret, cumque ille literas Letberto
 tradere pararet, quibus Tornacenses E-
 pisco-

Narrat.

Tornac.

Spicil. to. 12.

p. 483.

piscopum sibi eligere jubebantur, is re-sæcul. XII.
 spondit; nunquam se hujusmodi literas A.C. 1146.
 deferendas suscepturnum esse. Si vero
 Papæ placeret, sibi de manu sua Episco-
 pum consecratum dare, se cum eo Tor-
 nacum reversurum esse, nec ullam esse
 dubitandi causam, quin ordinatus a Sum-
 mo Pontifice Episcopus honore congruo
 reciperetur ab omnibus. Tandem Pa-
 pa, instantissimis precibus & constantia
 Letberti victus, interrogat, quem in Cu-
 ria Romana Episcopum sibi expeteret,
 atque Letberto id Pontificis arbitrio
 committente, convocatis Cardinalibus
 hac de re eorum sententiam exquirit.
 Tunc autem Romæ versabatur Anselmus
 Abbas S. Vincentii Lauduni, antea mo-
 nachus S. Medardi Sueßione, qui ad
 negotia suæ Ecclesiæ expedienda vene-
 rat, in Papali Curia notissimus. Hunc
 ergo Eugenius Episcopum Tornacensis
 Ecclesiæ nominat, quem illico Letber-
 tus ceterique Legati eligunt, statimque
 Papæ consecrandum offerunt. Relucta-
 batur Anselmus, dicens; affligi se non *de mirac.lib.*
V. Herman
 levi corporis infirmitate, & potius sibi *III. c. 20. &*
21. post Guib.
 de propinqua morte quam de Episcopa-
 tu suscipiendo esse cogitandum. At
 Papa, in proposito immotus, ad se se sub-
 mittendum & obediendum compulsum
 solemni ritu Dominica quarta Quadra-
 gesimæ, quæ hoc anno millesimo cente-

C 3 simo

Sæcul. XII. Simo quadragesimo sexto in diem decimam Martii incidebat, ordinavit. Tum varias ad rem confirmandam dedit Epistolas, primam ad Clericos populumque Tornacensem, in qua cunctos hunc Episcopum suum venerari jubet, eosque a fidei juramento, si quo se Episcopo Noviomensi obstrinxissent, absolvit. Altera Epistola, ad Regem Franciæ data, hortatur, ut consecratum Episcopum Tornacensem recipiat & tueatur.

*Eug. ep. 63.
64. & tom. 5.
Spicil.
p. 565.*

His duabus Epistolis dies decima quinta Martii apposita est. Scripsit quoque Papa in eadem causa Theodorico, Flandriæ Comiti, Simoni Episcopo Noviomensi, Samsoni Archiepisco Remensi, ceterisque illius provinciæ Episcopis. Nec operam perdidit; nam Anselmus, nemine se opponente, in Sedem Tornacensem receptus est. Hunc exitum habuit gravis causa, ante annos quinquaginta, Urbano II. Pontificatum gerente, moveri copta, atque exinde Ecclesia Tornacensis a Noviomensi separata remansit, quæ a S. Medardi ævo per annos deinde sexcentos ei juncta fuerat.

*Sup. lib.
LXIV. n. 48
Sup. lib.
XXXII.
n. 43.*

§. XIV.

Sacri Milites Franciæ.

*to. 10. Conc.
p. 1100.* Rex Ludovicus junior accepto a Papa tali, quale exoptabat, de profectio-
ne